

卷一百三十八



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百三十八
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 太官署 珍羞署

良醞 主簿 掌醢署 武庫署 武器署 左右都候

丞 守宮署 主簿 公車司馬令 武庫署 武器署

丞 諸陵署 主簿 崇玄署 諸牧監 典廩署

丞 典牧署 主簿 乘黃署 諸牧監 典廩署

司直 丞 評事 監 獄丞

[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

再拜司則稱哭良娣以下在位者皆哭十五舉聲司則稱止良娣以下在位者皆止女侍者引良娣行首一人升進妃前席位跪奉慰興女侍者引降還本位司則稱拜良娣以下在位者皆拜女侍者引良娣以出各還宮寢如常禮司則跪啓請哭止還妃哭止從臨者皆止妃降還內寢侍衛如初除外祖父母服與祖父母服同其行公除之禮則五日而除

杜氏通典卷第一百二十七

杜氏通典卷第一百二十八

禮九十八凶五 纂類三十三 大唐開元禮三十三

三品以上喪上四品以下至庶人附

初終 復 設牀

奠 沐浴 襲

舍 赴闕 勅使弔

銘 重 陳小歛衣

奠 小歛 歛髮

奠 陳大歛衣 奠

大歛 奠 廬次

成服 朝夕哭奠 賓弔

親故哭

州縣官長弔

刺史遣使弔

親故遣使致賻

殷奠

卜宅兆

卜葬日

啓殯

贈諡

親賓致奠

初終

有疾丈夫婦人各齊於正寢北墉下東首

墉墻也東首順生氣

養者男子婦人皆朝服齊親飲藥子先嘗之

嘗度其所堪

疾困去故衣加新衣

爲之去穢惡也

徹樂清掃內外

爲賓客來問

分禱所祀

盡孝子之情也五祀及所封境內名山大川四品五品祀中雷門戶竈行六品以下

祀門侍者四人

六品以下俱四人也

坐持手足

爲不能自屈伸內喪則婦人持

之遺言則書之屬纊以候氣

續新綿置於口鼻

氣絕廢牀寢

於地其生氣反也

主人啼餘皆哭

哀有深淺者

男子易以

白布衣被髮徒跣婦人青縑衣披髮不徒跣女子子亦

然父爲長子爲人後者爲其本生父母皆素冠不徒跣女子子嫁者髮六品以下內外皆著素服妻妾

皆被髮徒跣女子子不徒跣出嫁者髮出後人者爲本生父母素服不徒跣主人主婦衣服無改男女隨

事設帷帳齊縗以下丈夫素冠婦人去首飾謂齊縗婦人也內外

皆素服素服謂有服者白布十五升無主人坐於牀

東啼踊無數衆主人在主人之後兄弟之子以下又

在其後俱西面南上哭妻坐於牀西妾及女子子在

妻之後哭踊無數兄弟之女以下又在其後俱東面

南上藉藁哭坐六品以下及孫及兄弟孫在諸子之後女孫及兄弟女孫在兄弟女子子

之後服精麤爲內外之際隔以行帷帷堂內門南其隔之祖父



以下於帷東北壁下南面西上祖母以下於帷西北

壁下南面東上皆舒席坐哭六品以下為嫡子三年者則草薦外姻

丈夫於戶外東南北面西上婦人於主婦西南北面

東上皆舒席坐哭若舍窄則宗親丈夫在戶外之東北面西上外姻丈夫在戶外之西

東上諸內喪則尊行丈夫外親丈夫席位於前堂若

戶外之左右俱南面宗親戶東西上外親戶西東上

凡喪位皆以服精麤為序國官位於門內之東重行

北面以西為上俱衰巾帕頭舒橐薦坐參佐位於門

內之西重行北面以東為上俱素服舒席坐哭自國以下無斬縗三日不食齊縗二日不食大功一日不

食小功總麻再不食

復始死

復於正寢復者三人復謂招魂復魄四品以下則二人皆常服以死

者之上服左荷之升自前東霽六品以下則升自當前東榮榮屋翼也當

居履危北面西上跪左執領右執腰招以左每招長

聲呼其復男子皆稱字及伯仲婦人稱姓其復者三夫數依其夫也六品以下男子稱名

呼而止以衣投於前承之以篋六品以下以箱升自階入

以覆尸若得竟復者撤舍西北扉降自後西不由前

虛返因撤西北扉云此室凶不可居然自是行死復事所撤扉之薪以俟煮沐六品以下西榮餘同

衣不以襲歛歛則去之乃設牀

設牀

設牀於室戶內之西去脚舒簟設枕施幄六品以下不施幄

去裙遷尸於牀南首覆用欵衾去死衣欵衾大欵所

裏也死木病楔齒用角栖舍也綴足以燕几校在南

時所加新衣校猶脛也尸南首几侍者坐持之其內外

哭位如始死之儀乃奠

奠六品以下於舍而後奠文與此同

奠以脯醢酒用吉噐無巾柶升自阼階奠於尸東當

隅鬼神無象故內喪內贊者皆受於戶外而設之內

喪皆內贊既奠贊者降出帷堂初氣絕室內隨事設

者行事既奠贊者降出帷堂惟至此事小欵訖故

誤惟堂若有赴者遺赴禮合在此下舍沐浴自沐浴下至設重其

掌事者掘塹於階間近西南順廣尺長二尺深三尺

南其壤為塊竈於西墻下東向以俟煮沐新盆盤瓶

六甌四品五品四甌皆濯之陳於西階下新此噐者

龜累土為竈盆以盛水盤以承濡濯瓶沐巾一浴巾

二用絺若綌實於笄體所以拭也浴巾二者上體下

也櫛實於箱若篋浴衣實於篋浴衣浴衣以浴所衣之衣

以下櫛及沐衣各實於箱皆具於西序下南上水泚稷米六品以

米取泚煮之又汲為湯以俟浴以盆盛泚及沐盤升

自西階授沐者執泚及盤入主人皆出戶象平生沐浴

謂沐簣去席主人以下於戶東北面西上主婦以

下皆於戶西北面東上俱立哭其尊者丈夫於主

人之東北面西上婦人於主婦之西北面東上俱坐

哭婦人權障以帷主人以下既出及沐櫛梳束髮用
組拒用巾拒也浴則四人六品以下三人抗衾二人浴
拭用巾拒用浴衣設牀於尸東衽下莞上簟浴者舉
尸易牀設枕翦鬚斷爪如平常鬚髮爪盛以小囊大
歛內於棺楔齒之柶浴巾皆埋於棺實之著明衣衣
裳以方巾覆面仍以大歛之衾覆之訖內外入就位
哭乃襲

襲

陳襲事於房內襲三稱六品以下一稱西領南上朝服一稱
陳衣者實之明衣裳今用生馬一六品以下履以帛巾一
方尺八寸充耳用白纁面衣用玄方尺纁重組繫

以下握手用玄纁重長尺一寸廣五寸削約於內旁

寸著以綿組繫握手所握者面衣及手衣皆通餘色

衣度遂繼陳不用庶衆也不用不襲也多者襲具狀

席於西階西內外皆出哭於戶外其位如浴時襲者

以牀升入設於尸東布枕席如初自庶遂繼陳以下無執

服者陳襲衣於席祝去巾六品以下加面衣設充耳

著握手納舄若履若水死者左衽不組將襲碎奠既

既襲乃覆以大歛之衾始死時內外俱入復位坐哭

諸尊者於卑幼之喪及嫂叔兄弟姊妹
婦哭朝晡之間非有事則休於別室

含

贊者奉盤水及筭筭竹飯用梁含用璧四品五品用
器與璧六品

以下梁與貝升堂含者盥手於戶外贊者沃盥含者洗梁

璧四品五品洗梁贊實於筭執以入祝從入北面六

以下無徹枕去楔受筭奠於尸東含者六品以下坐

於牀東西面鑿巾巾先覆面將含當口納飯含於尸

口既含主人復位楔齒之柶與浴巾同埋於坎六品

於此復用奠與上文同

赴闕六品以下無

遣使赴於闕使者進立於西階東面南上主人詣使

者前北面曰臣某之父某官臣薨若母若妻各隨其

辭謹遣官某臣姓某奏聞訖再拜使者出主人哭入

復位

勅使弔

使者公服入立於寢門外之西東面相者入告主人

素冠降自西階迎於寢門外見賓不哭先入立於門

右北面內外皆止哭開帷帷堂之帷事畢則下之使者入升立

西階東面進主人於階下北面使者稱有勅主人再

拜使者宣勅云某封位薨無封者稱姓位四品情以五品云某封喪餘同

惻然如何不淑主人哭拜稽顙內外皆哭使者出主

人拜送於大門外親故為使弔者既出易服入向尸

立哭十數聲止降出主人送勅使出升降自西階主人

升降自西階者親始死未忍當主位

銘銘銘旌也

為以絳廣克幅

四品以下廣終幅

長九尺韜杠

杠銘也長律其

絳也王公以下杠為龍首四品五品幅長八尺龍首韜杠六品以下幅長六尺韜杠

書曰某官

封之柩姓在棺者柩婦人其夫有官封云某官封夫人

隨其稱若無封者云某姓置於宇西階上

重

重木刊鑿之為懸孔也長八尺

四品五品長七尺六品以下六尺橫

者半之置於庭三分庭一在南以沐之米為粥實於

甌既實以踈布蓋其口繫以竹篾懸於重木覆用蓆

席北向屈兩端交於後西端在上綴以竹篾祝取銘

置於重殯堂前楹下夾以蓆席簾門以布又設蓆障

於庭

陳歛小衣

小歛之禮以喪之明日各陳其歛衣二十九稱無者各

六品以下服一稱於朝服一稱自餘皆常服陳於東

序四品五品以下於東房西領北上笏一凡歛非正色不入絺

紵不入乃奠將小歛又奠

奠

饌於東堂下

凡奠器皆素六品以下

瓦甒三實

醴及酒解二

六品以下至虞祭其器同

角柶一

六品以下無少牢及腊

六品以下三俎邊豆各八設盆盥於饌東布巾為奠

則邊豆各六六品以下設盆盥於饌東布巾為奠

盥喪事畧贊者辟脯醢之奠於尸牀西南乃歛

小歛

將小歛具床席於堂西又設盆盥於西階之西如東方為舉尸歛者盥訖與執服者以歛衣入主人以下少退西面主婦以下少退東面內外俱哭歛者歛訖覆以夷衾設牀於堂下西楹間椹下莞上簟在寢時有枕卒歛開帷主人以下西面憑哭主婦以下東面憑哭俱南上凡憑尸父母先妻于後訖退乃歛髮

歛髮

男子歛髮束巾帕頭六品以下則男女子歛髮而髻主人以下立哭於尸東西面南上主婦以下坐哭於尸西東面南上祖父母以下仍哭於位各如初外姻丈夫婦人哭於位各如初歛若舉尸男子從奉之遷於堂仍覆以夷衾婦哭位皆如室內

奠

贊者盥手奉饌至階且去蓋邊俎去巾簋升奠於尸東醴酒奠於饌南西上訖其俎祝受巾巾之六品以下奉饌升奠於尸東訖奠者撤襲奠自西階降出下帷內外俱坐有國官僚佐者以官代哭無者以親踈為之夜則燎於庭厥明滅燎乃大歛

陳大歛衣

大歛之禮以小歛之明日其日夙興陳衣於序東三十稱無官各隨所辦六品以上各具上服一稱西領南

上自餘皆常服冕具道籍纓在北內喪花釵衾一以
黃為表素為裏六品以下朝服公服常服其各為一稱制用隨所有

奠

奠於堂東階下兩甒醴及酒六品以下甒醴在席醴在南各

加勺六品以下無篚在東南肆四品五品實角觶二木柶

一六品以下豆在甒北邊次之牢饌如小歛邊豆俎

皆冪以功布有篋席素几功布巾在饌北掘殯培於

西階之上喪從外來者殯於西楹之間乃歛

大歛

將大歛棺入內外皆止哭升棺於殯所館中之具灰

炭枕席之類皆先設於棺內置棺訖內外皆哭熬八

筐款所以感蚍蟬令不至棺傍四品黍稷梁各二六

以下皆加魚臘燭俟於饌東設盃盥於東階東南六

以下設盃祝盥訖六品以下掌事升自阼階徹巾者

授執巾執巾者降侍於阼階下祝盥六品以下掌事者盥贊者

徹小歛之饌降自西階設於序西南當西霤六品以下西榮

如設於堂上堂上謂尸東凡奠設序西者事畢而去之乃適於東階下新

饌所帷堂內外皆少退立哭御者歛丈夫加冠婦人

加花釵覆以衾六品以下御者設覆以衾歛訖開帷主人以下西

面憑哭主婦以下東面憑哭退復位次者親憑哭歛

者四人舉牀男女從奉之奉尸歛於棺乃加蓋覆以

夷衾內外皆復位如初設熬轂首足各一筐傍各二

筐六品以下以木覆棺上乃塗之設帟於殯上承塵

奠

將奠執巾几席者升自阼階入設於室之西南隅東

面右几加以巾四品以下升自阼階贊者以饌升入

室西面設於席前六品以下設於靈座前席上殯於外者施蓋訖設大欵之奠於殯東

祝受巾巾俎六品以下掌事者受巾奠者降自西階以出下帷

內外皆就位哭如初既殯設靈座於下室西間東向

施牀几案屏障服飾以時上膳羞及湯沐皆如平生

當殷奠之日不饋於下室下室謂燕寢無下室者則設靈座於殯東朝夕進常

食之具於靈前如平常也自當殷奠之日以下六品以下無文

廬次

將成服掌事者先為廬於殯堂東廊下六品以下於牖下近

南北戶設苦塊於廬內諸子各一廬凡廬五品以上營之齊縗於廬

南累整為堊室俱北戶翦蒲為席不緣父兄不次殯所各在其正

寢之東為廬次堊室祖為嫡孫居堊室有牀皆南面西出戶父不為衆子次於外

於庶子畧自若居寢大功於堊室之南張帳席以蒲小功總麻

於大功之南設牀席以蒲婦人次於西房或殯後施

下牀殯堂無房者次於後若別室

成服

三日成服皆除去死日數六品以下則并死日為三日內外皆哭盡哀內

外俱降就次著縗服無服者仍素服相者引主人以

下俱杖也三日而後食杖而後能起衆子皆杖以病故

非履若嫡子雖童亦杖幼不能自杖人杖執之所謂

當室杖者也自此以後唯嫡子及有爵之庶子皆得

杖在位其庶子無爵者杖於他所不杖在位凡正寢

戶內口室戶外曰堂虞杖不入室附杖不升堂以今

言之即廬靈堂戶之內外也周人耐在卒哭今之百

日也哀衰敬生故其杖不升靈寢之堂前其練服及

杖皆致之於廬內應杖者朝夕哭則杖之若孝子出

無累適唯向殯及向墳墓而已遠則乘車近則使人

代執杖六品以下升立哭於殯東西向南上齊縗以下

就位婦人升詣殯西位若殯逼西壁婦人皆位於殯

北南面東上尊行內外皆哭盡哀諸子孫就祖父及

諸父前跪哭皆撫哭盡哀就祖母前哭亦如之女子

子對祖母哭遂就祖父前大如男子之儀唯諸父不

撫之耳訖各復位伯叔母以下就主人哭亦如之

親喪孝子荒迷三日而食乃成諸尊者降出還次主

人以下降立於阼階下外姻在南少退俱西面北上

哭盡哀各還次闔戶小功以下各還歸其家自成服

之後諸尊者及婦人於諸親男女之喪有事則哭於

殯所無事有時須哭者或在正寢則於北壁下舒席

南面坐哭父母喪食粥朝米四合暮米四合不能食

粥以米為飯婦人皆以米為飯

朝夕哭奠

朝夕哭奠朝奠日出夕奠日入

每日先具朝奠於東階下瓦甒二實以醴及酒榘杓

一豆一實以脯醢也六品以下瓦甒一內外夙興各

縗服皆杖以下准此男子就東階下位若於其

位如始成婦人升自殯西位內外皆哭凡朝夕哭皆開帷質明掌事者升自阼階入徹奠出置於序西南如殯東之儀又以朝奠入至阼階豆去蓋邊無去巾冪升阼階入設於室如初執饌者出降自西階日出後少頃內外皆止哭各還次朝夕之間主人及諸子妻妾女子子哭於其次無時至夕內外俱就位哭徹朝奠進夕奠如初儀日入後內外俱止哭各還次哭者出闔門自是以後至於啓殯每朝夕如上儀既殯大功以下異門者歸於家

賓弔親故

賓至弔次者引之次賓著素服相者入告內外練服相者引主人以下立哭於阼階下婦人升哭於殯西相者引賓入立於庭北面西上為首者一人進當主人東面立云如何不淑主人哭再拜稽顙為首者復北面位弔者俱哭十餘聲相者引出少頃相者引主人以下各還次

親故哭五品以上無

若有親故哭殯者內外俱升就殯堂位尊者坐若賓以上賓初入則起賓坐亦坐賓起亦起啟體內外俱哭相者引賓入升堂立於殯東西面南上尊者坐俱哭盡哀尊者起相者引出卑者再拜訖乃就主人前稍南東北面執爵相者引以次出恩深者賓拜訖主哭盡哀而出少頃相者引主

人以下降還次

州縣官長弔

若刺史哭其所部主人設席於柩東西向刺史素服將到相者引主人去杖立於門內之左北面刺史入升自東階即座西向坐哭主人升就位哭刺史哭盡哀將起主人降復階下位刺史降出主人拜送於大門外杖哭而入

刺史遣使弔

若刺史遣使弔使者至掌次者引就次內外俱縗服主人以下就階下位婦人入就堂上位內外俱哭使者素服執書相者引入門而左立於階間東面使者致辭主人拜稽顙相者引主人進詣使者前西面受書退復位左右進受書主人拜送於位相者引使者出使者若自入弔哭如上弔儀客出少頃內外止哭各就位

親故遣使致賻六品以下無

使者立於大門外之西東面從者以篋奉玄纁束帛立於使者西南俱東面此賻通以貨財使者隨執其物不限於玄纁相者入告主人立哭相者進主人前東面受命出詣使者前西面曰敢請事使之從者以篋進詣使者前西面以授使者退復位使者曰其封若其官無官封者即稱某子使某賻相者入告出曰孤某須矣相者引使者入立於

內門外之西東面主人止哭使者少進東面曰某封若某官使某賻主人哭再拜使者少進坐委之興復位掌事者進坐舉之興以東相者引使者出主人拜送若使者致物不以器掌事者訝受之不委於地其賻物從者執之立於使者東南北面西上掌事者受之以東藏之

殷奠六品以下無

每朔望具殷奠饌於東堂下瓦甒二實以醴及酒角觶二角柶一少牢及腊三俎二簋二簠二劔六籩六豆設盥盥於饌東布巾為奠者盥其日內外夙興縗服升就位哭質明執饌者設宿奠遂以饌入至阼階去巾蓋升入室設於席前酌奠訖暴之以巾執饌者降自

西階以出少頃內外各還次既出闔門及夕執饌者

升徹殷奠進夕奠如常禮若有薦新如朔奠薦五穀若時物

新出者其日不饋於下室不饋於室者為殷有黍稷

卜宅兆六品以下筮宅

既度宅兆掘四隅外其壤掘中南其壤宅居也兆域也南其壤

者為將北首故掘土既朝哭主人遂哭出乘望車詣宅兆所出

國門止哭六品以下出郭門外止哭掌事者先設主人以下次於

宅兆東南將到主人又哭至宅兆所主人停於次止

哭莅卜者一人國官若僚佐之長莅之無者親屬為之緇布冠不理布

深衣因喪履莅卜者非國官則吉冠素服祝及卜師凡行事者皆

吉冠素服掌事者布卜筮席於兆南北向西上相者

引筮卜筮者及祝立於卜筮席西南東面南上下師
筮師立於祝南東北面北上相者引主人詣卜筮席
南十五步許當內壞北向立相者立於主人之左少
南俱北向親賓及從者立於筮席東南重行西面諸
親北上諸賓南上立定相者少進東面稱事具退復
位主人免首經左擁之筮卜者進立於主人東北西
面卜師抱龜筮師開轅出策兼執之轅藏執轅以擊
策擊之以進立於筮卜前東面南上筮卜者命曰孤
子姓名為父某官封某甫某甫者字也無封者去封
孤子孤孫母及祖母稱度茲幽宅無有後艱度謀也
哀子哀孫下皆佳此
卜筮筮居今謀此以為幽冥居域之處得無有後艱



卜師筮師俱曰諾遂述命訖右旋就席北面坐命龜
筮東面稱占口從還本位主人經哭從者哭盡哀止
相者進主人之左東面稱禮畢相者遂引主人退立
於東南隅西面又相者引卜者立於主人之後重行
西面俱北上掌事者徹卜席當安墓處立一標又於
四隅各立一標當南門兩廂各立一標祝帥掌事者
入鋪后土氏神席於墓左南向設酒罇於神座東南
加勺幕設洗於酒罇東南壘水在洗東篚在洗西南
肆篚實以中相者引告者及祝與執罇壘篚者俱立
於壘洗東南重行西面以北為上國官若僚佐之長
若無國官僚佐者告俱去經杖立定俱再拜祝與執罇壘篚者先立於

鑄壘籩之後執饌者以脯醢跪設於神座前興還本
相者引告者詣壘洗盥手洗爵詣酒罇所酌進跪奠
於神座前興少退北向立祝持版進於神座之右東
面跪讀祝文曰維年月朔日甲子某官姓名若主人
自告稱
孤子母稱敢昭告于后土氏之神今為某官姓名若
哀子各字
人自告云為父某官封某甫云大營建宅兆神其保
夫人若郡君某氏各隨官職稱者
佑俾無後艱謹以清酌脯醢祗薦于后土之神尚饗
訖興告者再拜相者引告者還本位西面再拜相者
引出掌事以下俱復位再拜遂徹饌席罇壘以出主
人哭還去墓三里許止哭及國門又哭內外升哭於
位主人入升詣殯前北面哭盡哀止哭西面再拜降

就次

有國官僚俛從主人入就門內外哭主人拜俱
再拜主人降就次若不從又卜筮擇地如初儀

卜筮日六品以下筮日

既朝哭主人及諸子以下出立於殯門外之東辟下
西面南上卜師抱龜六品以下筮人
執贛贛藏策器在其南東面闔
門東扇主婦立於其內掌事者設卜席於闔外闔西
相者詣主人前東面告事具遂引主人亦於門南北
面相者立於主人之左少退俱北面主人免首經左
擁之莅卜者進立於主人東北西面卜師少進筮則
開贛出策兼
執之少進莅卜前東面受命莅卜命曰孤子某來
日卜筮某父某官封某甫母則云為某母
太夫人某氏考降無有
近悔考登也降下也言卜此日
云神上下得無近於咎悔卜師曰諾遂述命

訖右旋進就席西面坐六品以下命龜筮云有常乃

作龜筮云訖興以龜退東面稱占曰從筮云以卦東

從吉主人經興諸子以下哭盡哀相者告於主婦哭

入遂使人告於親賓諸親及僚友上師以龜退筮則

以贛掌事者徹上席相者進六品以下告禮畢主人

興諸子以下入升詣殯前北面立哭內外俱哭盡哀

內外各還次若不從又上擇如初儀

啓殯

葬有期前一日之夕掌事者除葦障備啓奠具饌如

設賓次於大門外之右南向立内外夕哭如常儀啓

殯之日内外夙興縗服主人及諸子皆去冠經以衰

中帕頭國官亦以内外升階就位哭及僚佐就下位

哭祝縗服執功布功布長五尺也六品以下升自東

階詣殯南北向内外皆止哭祝三聲噫嘻乃曰謹以

吉辰啓殯既告内外者哭盡哀内外各還次祝降與

執饌者升徹宿奠如常祝取銘置於重北建之掌事

者升徹殯塗訖設席於柩東升柩於席上及訖席於柩

東祝執功布升以拂柩覆用夷衾降出周設帷東面

開戶若不爲次而殯則徹相者引主人以下升哭於

帷東西向妻妾女子子以下哭帷西東俱南上諸祖

父母以下哭於帷東北壁下南面西上諸祖母以下

哭於帷西北壁下南面東上外姻丈夫帷東北面西

上婦人帷西北面東上坐內外俱哭祝與進饌者各以奠升設於柩東席上祝酌醴奠之內外俱哭於位如未成服之禮親賓致奠如別儀有國官僚佐者以官代哭無者以親疎爲之晝夜不絕聲

贈諡六品以下無

告贈諡於柩無贈者設啓奠訖即吉諡其日主人入升立於饌東西面祝持贈諡文升自東階進立於柩東南北向內外皆止祝少進跪讀文訖興主人哭拜稽顙內外應拜皆再拜祝進跪奠贈諡文於柩東興退復位內外皆就位坐哭

親賓致奠

啓之日親賓致奠於主人設啓奠後諸尊者入立於寢門之外東向謂卑幼者其祭具陳於尊者東南北向西上相者入告內外卑者皆興立哭於位又相者引尊者入升當柩東西面尊者哭祭具從升於柩東尊者之西西向南上設饌訖執饌者降出奠者止哭詣酒鑪所取爵酌酒跪奠於柩東興少退西面立內外皆止哭奠者曰某封若某位伯叔各從官將歸幽謹奉奠若異姓各從其稱若使者云某封若某姓位間某封若某官將歸幽宅使其奉辭奠畢應拜者再拜內外皆哭主人哭拜稽顙奠者哭盡哀止相者引執事者以次徹饌而去



杜氏通典卷第一百二十八終

卷一百二十八



不 許 複 製

NOT TO BE REPRODUCED

東京大学東洋文化研究所